




ԷԿՈՒՄԵՆԻԿ

ԿՅԱՆՔ

ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ ԿԵՆՏՐՈՆԱԿԱՆ ԿՈՄԻՏԵԻ ՏԱՐԵԿԱՆ ՆՍՏԱՇՐՋԱՆԸ ԺՆԵՎՈՒՄ

Սույն թվականի օգոստոսի 14—22-ը ժնկի էկումենիկ կենտրոնում տեղի ունեցավ Եկեղեցիների համաշխարհային խորհրդի Կենտրոնական կոմիտեի տարեկան նստաշրջանը:

Այս առթիվ ժնկ էին ժամանել ԵՀԽ-ի Կենտրոնական կոմիտեի շուրջ 120 անդամներ, խորհրդակցանքներ, թղթակիցներ, դիտորդներ և այլ պաշտոնական եկեղեցական և աշխարհական հյուրեր, թվով 350 հոգի:

Հանուն Մայր Աթոռ Ս. Էջմիածնի սույն նստաշրջանին ներկա գտնվեց Մայր Աթոռի դիվանապետ Ս. Արսեն եպիսկոպոս Բերբերյանը՝ իբրև ԵՀԽ-ի Կենտրոնական կոմիտեի անդամ:

Կենտրոնական կոմիտեի անդամները մեծ հետաքրքրությամբ ունկնդրեցին երկու կարևոր զեկուցումներ. առաջինը՝ ԵՀԽ-ի Կենտրոնական կոմիտեի ատենապետ գերաշնորհ Էտ. արքեպիսկոպոս Սկորթի, իսկ երկրորդը՝ ԵՀԽ-ի ընդհանուր քարտուղար դոկտ. Ֆիլիպ Փոթըրի:

Ժողովականներն այնուհետև քննարկեցին վերոհիշյալ զեկուցումները և իրենց գնահատանքի խոսքն ուղղեցին զեկուցողներին:

Նստաշրջանի հետագա օրերին ժողովա-

կաններն իրենց աշխատանքները շարունակեցին երեք ենթահանձնաժողովներում և ընդհանուր քարտուղարությանը վերաբերող հանձնաժողովում:

Ապա վերոհիշյալ չորս խմբերում աշխատանքի արդյունքները բերվեցին ընդհանուր ժողովին, քննարկվեցին և վավերացվեցին Կենտրոնական կոմիտեի անդամների քվեարկությամբ:

Օգոստոսի 17-ին, կիրակի, հետ միջօրեի, ԵՀԽ-ի Կենտրոնական կոմիտեն առանձին շուքով նշեց ԵՀԽ-ի պատվո նախագահ դոկտ. Վիսերտ Հուֆթի ծննդյան 80-ամյակը, որը, իբրև հիմնադիրներից մեկը ԵՀԽ-ի, իր հուշերը պատմեց ներկաներին:

Ապա տեղի ունեցավ մասնավոր հյուրասիրություն և շնորհավորություններ: Այս առթիվ Ամենայն Հայոց Հայրապետը շնորհավորական մի հեռագիր էր ուղարկել հարգելի դոկտ. Վիսերտ Հուֆթին հետևյալ բովանդակությամբ.


«Հայաստանյայց Առաքելական Եկեղեցու անունից ամենաջերմ զգացումներով շնորհավորում ենք Ձեզ Ձեր ծննդյան ութսունամյակի առթիվ: Ձեր ողջ կյանքը, հատկապես այս վերջին տասնամյակների ընթացքում հանդիսացավ ավետարանական

մի սուրբ առաքելություն՝ ամբողջապես նվիրված համայն քրիստոնյաների եղբայրության ամրապնդմանը:

Թույլ տվեք Մայր Աթոռ Սուրբ Էջմիածնից հղել Ձեզ մեր Տիրոջ օրհնություններն

հակադրությունը Ձեր սրտագին շնորհավորանքի և այն բարի մաղթանքների համար, որ բարեհաճել էիք ուղարկել ինձ իմ ծննդյան ութսունամյակի առթիվ:

Իմ թանկագին հիշողությունների անբա-



Ժենի Էկումենիկ կենտրոնի տարեկան նստաշրջանի պատգամավորների մի խումբ

ու Մեր ամենաանկեղծ մաղթանքները Ձեր կենաց արևշատության և քաջատոհջության համար: Թող Աստված միշտ օգնական լինի Ձեզ՝ շարունակելու Ձեր սուրբ առաքելությունը ի ծառայություն կենդանի Քրիստոսի և համայն մարդկության:

Եղբայրական սիրտ ջերմ զգացումներով ի Քրիստոս՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԺ ԵՎ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
8 օգոստոս 1980 թ.»

Ի պատասխան Հալոց Հայրապետի շնորհավորական հեռագրի, դուկտ. Վ. Ա. Վիսերտ Հուֆթից ստացվեց հետևյալ հեռագիրը.

«Ձերդ Սրբություն,
Թույլ տվեք ինձ հայտնել իմ խորին շնոր-

ժան մասն են կազմում այն եղբայրական շփումները, որ ես ունեցել եմ Էջմիածնում և Ժենում Ձերդ Սրբության և ձեր հարգարժան եկեղեցու հետ: Ես չափազանց ուրախ եմ ստանալով Ձերդ Սրբության օրհնությունը և խնդրում եմ Ձեզ ընդունել իմ եղբայրական հարգալից զգացումների հավաստիքը:

ԴՈՎՏ. Վ. Ա. ՎԻՍԵՐՏ ՀՈՒՖԹ

Ժեն,
26 օգոստոս 1980 թ.»

ԵՀԽ-ի կենտրոնական կոմիտեի նստաշրջանում քննության առնվեց նաև ԵՀԽ-ի առաջիկա Զ համաժողովի նշանաբանը: Հանձնաժողովներում երկար քննարկումներից և մտքերի փոխանակումներից հետո ներկաները կանգ առան «Հիսուս Քրիստոս կյանքն աշխարհի» նշանաբանի վրա և քվեարկվեցին ի նպաստ այդ նշանաբանի: Համաժողովը տեղի է ունենալու 1983-ին Կանադայի Վանկուվեր քաղաքում:

Նստաշրջանի մասնակիցները վերջում միահամուռ կերպով խնդրեցին ԵՀԽ-ի ընդհանուր քարտուղար դուրս գալ։ Ֆիլիպ Փոթըրին, որ շարունակի իր պաշտոնը իբրև

ԵՀԽ-ի ընդհանուր քարտուղար մինչև 1984 թվականը։ Վերջինս ընդունեց եղած առաջարկը՝ հակառակ իր ցանկության։

ՊԱՇՏՈՆԱԿԱՆ ՀԱՆԴԻՊՈՒՄ ՍՈՎԵՏԱԿԱՆ ՄԻՈՒԹՅՈՒՆՈՒՄ ԳՈՐԾՈՂ ԵԿԵՂԵՑԻՆԵՐԻ ԵՎ ԱՄՆ-Ի ԵԿԵՂԵՑԻՆԵՐԻ ՆԵՐԿԱՅԱՑՈՒՑԻՆԵՐԻ ՄԻՋԵՎ ՕԳՈՍՏՈՍԻ 22—25-Ը ԺՆԵՎՈՒՄ

Ժնևում հավաքված Սովետական Միության և ԱՄՆ-ի Եկեղեցիների ներկայացուցիչները (սովետական կողմից՝ 8 հոգի, ԱՄՆ-ի կողմից՝ 12 հոգի) պաշտոնական հանդիպում ունեցան Ժնևի Շոն Նոքս տան մեջ՝ նյութ ունենալով «Սովետական Միության և ԱՄՆ-ի Եկեղեցիների ծառայությունը համագործակցության, խաղաղության և զինաթափման համար»։

Վերոհիշյալ թեմայի շուրջ առանձին զեկուցումներով հանդես եկան։ Ռուս պրավոսլավ Եկեղեցու անումից՝ գերաշնորհ Յուվենալի միտրոպոլիտը, վարիչը Ռուս Եկեղեցու արտաքին հարաբերությունների բաժնի, դոկտ. Քլեր Ռենտալը՝ ընդհանուր քարտուղարը ԱՄՆ-ի ազգային Եկեղեցիների խորհրդի, վերապատվելի Ալեքսեյ Պուշկովը՝ ընդհանուր քարտուղարը Մոսկվայի ավետարանական-մկրտչականների միության, դոկտ. Ուիլիամ Թոմսոնը՝ պատասխանատու վարիչը ԱՄՆ-ի Փրեսպիթերյան միացյալ Եկեղեցու։

Երկու կողմերի ներկայացուցիչների միջև տեղի ունեցավ մտքերի լայն փոխանակում ներկայացված զեկուցումների շուրջ։

Այս կազմվեց երկու կողմերի համար ընդունելի մի հաղորդագրություն, որն ստորագրվեց միտրոպոլիտ Յուվենալիի և դոկտ. Ք. Ռենտալի կողմից։ Երեք օր տևած այս ջերմ հանդիպումը նպաստեց երկու երկրների եկեղեցական ներկայացուցիչների բարեկամության սերտացմանը։

Արսեն Եպիսկոպոս Բերբերյանը Ժնևում

գտնված օրերին հետաքրքրվում է համայնքի եկեղեցական, մշակութային կյանքով և այդ առնչությամբ հանդիպումներ ունենում համայնքի հարգարժան ներկայացուցիչների հետ։

Օգոստոսի 17-ին, կիրակի, Ս. Աստվածածնի Վերափոխման տոնի առթիվ, Ժնևի եկեղեցական վարչության հրավերով տեղի Ս. Հակոբ եկեղեցում Արսեն սրբազանը մատուցում է սուրբ պատարագ, ապա քարոզում օրվա մեծ տոնի խորհրդի մասին։

Ս. պատարագին ներկա է լինում նաև Մեծի Տանն Կիլիկիայի աթոռակից կաթողիկոս Տ. Տ. Գարեգին Բ-ը, որը օգոստոսի 14—22 օրերին մասնակցել էր Ժնևի Էկումենիկ կենտրոնի Կենտրոնական կոմիտեի տարեկան նստաշրջանին։

Նորին Սրբությունը խաղողօրհնների արարողության ժամանակ Ժնևի հայոց Ս. Հակոբ եկեղեցում խոսք է ուղղում հավատացյալներին։

Պատարագից հետո եկեղեցու սրահում տեղի է ունենում հյուրասիրություն եկեղեցու Տիկնամց Համաձայնի կողմից ի պատիվ Հայ Եկեղեցու բարձրաստիճան հոգեվոր հյուրերի։

Արսեն Եպիսկոպոս Բերբերյանը օգոստոսի 27-ին Մոսկվայի վրայով վերադառնում է հայրենիք՝ իր հետ բերելով Ծվեցարիայի հայության՝ Ամենայն Հայոց կաթողիկոսի նկատմամբ տաժած որդիական սիրտ և հավատարմության ջերմ զգացումները։

